

Барачатсса мавлуд

Апрель зурул 28-нний Буйнакский райондалийсса Чиркей шяраву хьунни гьарца шинал буллай аьд-травун багъсса мавлуд ва аьлимтурал мажлис.

макъала: АхИмад ХIасанов

Шяравун хьамал букIлай байбивхьуна кIюрххил чаклил чIумуюту байбивхьуну. Чиркейиннал жамяту ххуйну хIадур хьуну бия хьамал къамул бан. Даки ххари хьанай дия дарвазардугу тIивтIуну цацIанма ахттайнсса дукан оьвтIисса халкъ чIалай. Бусурман мьяжаннугу уссурвал бушиву загьир хьанай бия. Дагъусттаннаясса, Тарарнавасса, Башкирнавасса ва цаймигу регионнаясса хьамал хьуна бакълай ия накъшубанди ва щазали тIарикьатрал шайх Саид-афанди (къ.с). Мажлисраву гьуртту хьун букIун бия хьунисса аьлимтал, тIарикьатрал устазтал.

Дагъусттаннал динналул Идаралул председатель, муфтий АхИмад-хIажи Аьбдуллаевлул хьунмасса барчаллагъ увкуна Чиркейиннал жамятрахъ укун ххуйну хIадур бувсса мажлисрах ва дакинин бувтуна гьарца неъматрах Аллагънайн ﷻ шукру буллан аьркиншиву. «Шукру баву – идавстурал хасиятри, балардаясса барури, неъматру зияда барил сававри» - увкуна Муфтийнал. Ялагу АхИмад-хIажинал гъаз бувна бусурманнай куфрулий аьй даврил масала. Муфтий насихIат буллай ия цаманайн чапурчув учин анавар мабуккари, тIий. «Му хьинну нигъачIийсса масалари. Ина чапурчувра увкуну, га мьяжаннугу чапурчу къаикIарча, ганай аьй дурма цува чапурчуну шайсар. Цайминнал диялдакъашивурттах къалуглай, зувурами дакин дуллан хIарачат бувара», - увкуни Муфтийнал. МахIачкъалаливсса Хьун-мизитрал имам МухIаммадрасул-хIажи Сааьдуев-



лул вяъза бия ялун нанисса ник тарбия даврин хас бувсса. «Жунма бувчIин аьркинни ялун нанисса ник тIайласса тагьарданий тарбия даврил агьамшиву. Жулва оьрчIругу, оьрчIал оьрчIругу бусурманну личIаврин нигъ дусса замана букIун бур. Интернетрава ва телевидениелува чIявучин най дур инсан оьккимунин кIункIу айсса, зия айсса чапалшиву. Мюнпат бумурнияз зарал баймур чIяву хьуну бур. Муниязта жунма аьркинни хIарачат бувну, жулва оьрчIал тарбиялул ялув бацIан» - увкунни имамнал. Цаймигу аьлимтурал вяъзардаву кIицI лавгунни хIакьинусса къини жулва

оьрмулул лагмасса жура-журасса масаларду. ТелестравухчIин мажлисраву гьуртту хьунни Египетнавасса аьлимталгу. Хаснува махъ лавхьунни Египетнал муфтийнал хьиривчунал. ДукIува кунма гьашинугу islamdag.ru сайтрал дачин дурну дия онлайн-трансляция, шиккун бучIан къавхьунминнацагу мавлудрах бурган хьуншиврул дуниялул цумур зуманив бухьурчагу. Ахирданий мажлисраин бавтIиминнахъ шайх Саид-афандинал (къ.с) барчаллагъ увкуна. Мунияз махъ муданна кунна дуаьгу дурну мажлис къуртал хьуна.

Ва номерданий :



лаж. 3

Дагъусттаннайн Ислам ва суфизм дуркIисса куц



лаж. 6

Аллагънал ﷻ барз




лаж. 7

Къашайманал адабру

Гьумучиял РайхIанат

ЧIявуну жула ппухьлуннал халкъуннал тарихра-ясса бусалардаву кIицI дайва бярнил ккурккай РайхIанат тIисса цIа.

Ванияр цимигу никирал хьхьичI Дагъусттаннайн монголнал аьрал ххяхьхун, чан-чанну тIий зунтавунмай гъаз хьанай, щархьурду, шяраваллу цала канихьхьун ласлан бивкIун бур. Бусаврин бувну, Гьумукун бияннин гайннан вари чинсса дайшишругу къахьунадаркъуну дур, цанчирча, га заманнай кунна ку ябувцсса Дагъусттаннал халкъуннал душманнайн данди буккансса аьмсса аьрал къабивкIун бур, ца-ца, кIикIира шяравал-лурду цацIун хьуну талатаву дарча дакъасса. Цала ялун душман нанишиву бавсса лакрал агъалинал махъ ца бувну бур циняв щархъаватусса чIиваркI ярагъуннищал Гьумукун буккан, душман Гьумукун уххан къаитан. Гьумучиял Хьун бярнил лувсса



Гъази-Гьумучи (архивравасса сурат)

майданнив бавтIун бур циняв лакрал арамтал, му чIумал ратIнил тия чулий душманталгу бивкIун бур.

Хьун бярнил чIарав диркIун дур ялапар хьанай РайхIанат тIисса диндалул хьамитайпа. Ганил бивкIун бур мукъа арс. ОьрчIру мюрщину бунува, ласгу аьрай ивкIуну, ганил цила арсру тарбия бувну бивкIун бур хьинну къанкъа-къурчIину, сивсуну, къучагъну. Цурда РайхIанатту диркIун дур адимина кунна къанкъасса, цIу бусса, дугъ-рисса щарсса, цила тIайлашивруцIун, дакинил ххуйшивруцIун халкъуннан ххишала дакъа бусравссагу диркIун дур. Га чIумал РайхIанатлул хьуна-хьунама арсан къуня кIира шин диркIун дур, чIана-чIивиманан ацIния мукъра. Ярагъу канил бувгуну, мукъагу арс бувккун бур дявьвилул майданнив.

Дагъусттаннал хIафизтал

Уттигъанну Кувейтнаву хъусса дакIних Къуръан буккултрал конкурсраву Аьрасатнал чулуха гъуртту хъунни Дагъусттанна-ясса хIафизтал Билал Аьбдулхаликъов ва МухIаммад МухIаммадов.

ДУМЕРданул прессалул къуллугърал тIимунин буну, Билал Аьбдулхаликъов чIявуну гъурту шайссар дазул къатIувсса конкурсирттаву. Оьрмулул 11-ра шинаву ванал шалва Къуръан дакIних лавхъхъуну бур, цала буттал шяравусса мадрасалуву. 2011-ку шинал май зуруй ва ххув хъуну ур Хасавюртливсса конкурсраву, гава шинал ноябрь зуруй Казаннайсса конкурсраву. Декабрьданий гъуртту хъуну ур Маккаливсса 33-мур хIафизтурал конкурсраву. МухIаммад МухIаммадов цIана Иорданиянаву цала элму куртI дуллай дуклай ур. Дагъусттаннал хIафизтурал Кувейтливсса конкурсравугу хъинну лайкъсса гъурттушинна дурну дур.



ХIаж-2012

Дагъусттаннай най дур Сулейман Керимовлул программалийхIин ХIажлив гъан ччиминнал дянивсса кIуну бутавуртту. Керимовлул хIарачатрайну гъарца шинал каши дакъасса азарахъул бусурман Макка-Мадиналив лавгун ХIаж барт бивгъуну, цалва бурж биттур бувай.

ЦIана чIявуми шагъурдай ва щархъаву кIунтти бутавуртту къуртал дурну, ХIажлив бачинтIиминнал цIарду кIул хъуну дур.

Гъашину барачатсса аьрщарайн гъан къисмат бивмигу бур ялугълай цалва мурадрайн биян, Къяба ккаккан, МухIаммад ﷺ ИдавсичIан зиярат бан.



Онлайн

ДукIу islamdag.ru сайтрай буссия тIивтуну онлайн-трансляция дайсса къуллугъ. Сайтрал баян буллай бур га къуллугъ цIу буккангу буну зузи бувшиву. ХъхъичIава кунма уттигу ва сайтрай ккаккан буллантагIиссар мажлису, аьлимтурал вяьзарду, мавлудру ва м.ц. Онлайн-къяйдалий ккаккан къабювхъуминнаща ччимур чIумал гай мажлису сайтрал видео-архивра-ву ххал бан бюхъантIиссар.

إلهي أنت مقصودي ورضاك مطلوب

islamdag.ru

Жуй цIими биша Аллагъ!

Утти ххирасса Аллагъ Жуй Вийн кIура бавссару, Къамул бува тIий оьвтIий Вил къапулийн ливкссару.

Цимивагу батIулсса Аьжизсса, заэв хъусса Вил гъарта къапулия Рязину кIура бавсса.

ЧIяври бунагъкарттал Гъапулну оьрму лавгсса Вил къапулийн бивукун Гъуфран хъуну ххуй хъусса.

Жуй цIими биша Аллагъ! Аьмаллу къамул бува. Къиямасса Къинилул Къумашиву гъарта да!

МарцIсса тавба дуллуну Тавфикъу даим дува ХIуснул хатиматрайну Жул ахиргу хайр дува!



Цалчинсса карантин

Жунма кIулли Аллагъу Тааьлал ИдавсийхIин ﷺ жунна чIярусса махIатталсса караматру ккаккан дуршиву. Ца мукуссса карамат хъанай дур медициналул аьлимтураяр 12-13 ттуршукулул хъхъичI Идавсил ﷺ бувшиву инфекционный къашайшавуртту бактериярдайну цанная вamuнайн лахъайсса душиву.

ЦIанасса чIумал инсантуран кIулну бур дуняллий хъинну чIявусса микробу бушиву. Миннуягу Аллагънал ﷻ увкуну бур Къуръанналуву: «Зун чIалачIимунингу къачIалачIимунингу хъа буллай ура...», - куну. Расулулагънал ﷺ хIадисраву увкуну бур: «Къашавайма сагъманачIан маучIарача», - куну. Ва хIадисрайнугу жунма чIалай бур Идавсин ﷺ кIулну бивкIшиву цаппара цIуцIавуртту гъаваллавух микробирттайну диййшиву.

Ца чIумал Идавсил ﷺ увкуссар цалва асхIабтурахъ: «Чу-дунугу холера ягу чума дирну дур тIий баярча, цукунчIав гиккун малагари. Зува бусса билаятрай гай цIуцIавуртту ялун диярча, зу гиккува бацIияра, гичча малихъари», - куну. Вай махъру бавсса асхIабтал махIаттал хъуссар, циванни цIуцIаву дусса кIанай яруннил хъхъичI халкъ ливтIуну най чIалай бунува, анаварну гичча къалихъан, гиккува бацIарча, жуйннагу цIуцIаву лахъанссархха, тIий. Ва Идавсил ﷺ амрулин буну, эпидемия дирсса чIумал бусурман къашайшиву дусса кIанайва бацIайсса бивкIссар, муниву ци мяъна, ци хIикмат дуссарив кIулнугу бакъанува. Му бакъассагу, чума ягу холера дирну ивкIума Аллагънал ﷻ ххуллий ивкIусса шагъиднан ккалли айссар. ЦIанасса чIумал кIа тагъарданин карантин учай. Духтуртуран кIул хъуннин цимирагу ттуршра шинал хъхъичI МухIаммад Идавсин ﷺ кIулну бивкIун бур карантиндалия. ЦIанасса чIумалгу жунма кIулли цIуцIаврил эпидемия дайдирхъусса кIану лавкъуну, гива цучIав уккан ва гивун цучIав уххан къаитайшиву.

Цамур хIадисраву увкуну бур: «Барас цIуцIаву (проказа) дирманаяту аслан-къапланналуя кунма лихъияра», - куну. Проказа гъаваллавух цанная гаманайн лахъайсса цIуцIаву душиву кIулсса жунма чIалай бур МухIаммад Идавсингу ﷺ кIулну бивкIшиву. ХъхъичIава заманнай дуняллийх ппив хъуну диркIсса эпидемиярттая бусурман ххассалгу бувссар Расулулагънал ﷺ бурду биттур буллай бивкIунтIий.

isaassalam@gmail.com

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Патимат ГАМЗАТОВА

Редактор

Иса ОМАРОВ

Канонический редактор

Курамухаммад МАГОМЕДОВ

Корректор

Курбанисмаил АМИРОВ

Ответственный секретарь

Ахмад МАГОМЕДОВ

Менеджер

Абдусабир АХМЕДОВ

Дизайн, вёрстка

Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № _____

Тираж 2.900 экз.

Сдано в печать 30 апреля 2012 г. в 22:00

Индекс 51388

Адрес редакции

367015, РД, г. Махачкала, ул. Азиза Алиева 2. Тел.: (8722) 61-00-64.

По вопросам подписки и доставки обращаться по телефону: по Республике Дагестан – 8-988-699-28-24 по г. Махачкале – (8722) 914-222.

E-mail: assalamlak@mail.ru;
www.assalam.ru

Рижалул гъаибтурал баян

Рижалул гъаибтал тисса, Мухаммадул ﷺ умматрайтуса, Аллагнал ххира бувсса цаппара халкъ буссар, асхабтурал хъирив. Валийтурал яла хъуними, хъинми мири. Дунияллул рукнурду мири. Дин исламрал нурданул ттарцгру дацдан дурми мири. Циняв муъминтурал равхланийсса файз, нусрат, кумаг тлава дуллалисса миннайтुरи. Тасарруфрал (каялушиврул) агълу мири. Минналли, Аллагнал изнулийну, Аллагнал къазаъ, къадарданух Лавхул Махфузрах бурувгун, аьламрал амрурдаву тасарруфшиву (каялушиву) дуллалисса. Ми васиталийнур (васитга – дянивчи) Аллагу Тааьланал халкъ ляхъан буллай литгун буллалисса. Миннайнури гъарал лачайсса, уртту хъяххайсса, хъу шайсса, аьламрал низам дацайсса, хлатта, лухчи дарцусса. Хлатта, ми гъарца чумал, гъарца кланттаву хладурна биклайссар. Инсан цуванусса кланттаву, ца захиматсса иширавун бала-мусийватравун агъну, леххаву чинсса цучлав инсан акъа, махрумну ливчисса чумал, миннайн леххаву чирча, леххаврий бувкун, му ххассал айссар. Мукунма, цалла зад дакъа хъуну къалякъайсса чумал, ягу хлайван ливхъун бугъан къашайсса чумал, миннайн леххаву чирча, ми кумагран буккайссар жумна ххал къахурчагу. Утти, минналгу арулла синф (журарду) дуссар. Миннаву яла ххирама, хъунма, хъхъича хъхъичма къутбул гъавсри. Авлиягтурал имамгу мури. Яла кия «Имамани» тиссагу буссар. Мукъа автадтал тиссагу буссар, арула будалагтал тиссагу буссар. Ацния кия рукабагтал тиссагу буссар. Мукъцала мужабагтал тиссагу буссар. Шантуршлий ряхцаллий ряха нукъабагтал тиссагу буссар. Кунналгу тий бур: - Ца къутбу, мукъа автад, арула будалаг, мукъцала нукъабаг, шантурша мужабагри бусса тий. Кунналгу тий бур: Хулафагтал, ахиртал афрадтал, уманагтал тиссагу буссар тий. Утти, ми бакъа, минная халийну замана къаличлайссар. Ца ивкुकун мунал кланай цама ацдан айссар. Къутбул гъавс ивкुकун мунал кланай мукъагу автадтурал ца яла хъинма ацдан айссар. Автад-

турая ивкукун, будалагтурал ца яла хъинма ацдан айссар. Будалагтурая ивкукун, нукъабагтурал ца яла хъинма ацдан айссар. Нукъабагтурая ивкукун, мужабагтурал ца яла хъинма ацдан айссар. Мужабагтурая ивкукун цайми салихисса оьббадтурал ца ацдан айссар. Къияматсса Къини дизан ччан бивкукуннив циняв литгун бантиссар. Миннал маканнугу бацай клантурдугу: къутбул гъавс ца кланай къарар шавугу дакъассар. Миннал ялтту заназиссар. Ку чумал Яманнаву, ку чумал Шамлив, ку чумал Машрикьрай, ку чумал Магърибрай иклайссар. Мукъагу

мил хъусса макъамиргтайн лавхъусса цума ца валийнайнгу къутбу учин бучиссар, мунал кланттаву, мунал заманнаву мукунсса цама акъасса кланай. Хлатта, гъарца икълимрал, гъарца билаятрал гъарца шагърулул, шарнил ца-ца къутбу уссар, къутбул гъавс акъасса. Миннайну Аллагу Тааьланал цалла-цалла чулухалу, цалва-цалва шагъру, шар дуруччайссар, чапуртал бухурчагу. Мукунма гъарца къюкълун ца-ца къутбу иклан аьркинссар, оьббадтурал ца, зугъадтурал ца мутаваккилийтурал ца. Му къутбул гъавсгу цумарив, цукунсса иклайссарив, чув иклайссарив,



автадгу-ца шамлив, ца яманнаву ца машрикьрай, ца магърибрай биклайссар. Будалагтал шамлий биклайссар. Нукъабагтал Хорасаннай биклайссар. Мужабагтал ку Мисрилий, ку Шамлив биклайссар. Утти, му къутбул гъавсшиврийн лавхъманан цагу Абдулагъ диклайссар. Цума ухурчагу, ци заманнай ухурчагу. Мунан гъарца сиррийсса, цайминнан къл бакъасса задругу кълуну биклан аьркинссар. Аьдилшивугу, камилсса акъа къаиклайссар. Му цувагу дуниялий ца акъа иклан имкан бакъассар (къабухъайссар). Кия шама ухурчагу миннан цаннан ччимур цаннан къаччай фасадшиву, фатратшиву загъир хъанантиссия. Муниятур имамал аьзамгу дуниялий ца акъа иклан къабучисса. Амма, му къутбул гъавснал канихъ арула къутбу цаймигу биклайссар, мунал амрулийну тасарруфшиву дуллалисса. Мигу мукъа маликий, ца шафиий, ца хланафий, ца хламбалий мазгъабраясса. Ми арулагу акъабугурал канилу цаппара цаймигу халкъ буссар, миннах бурувгун тасарруфшиву дуллалисса. Ялагу ахваллу ка-

чъявуми валийтурангума къакълуссар. Мунал пиша - къюлтну, халкъуннан къл къахъанай иклавур. Личи-личийсса иширттай иклайссар. Хлатта, ку чумал савдажарну, ку чумал муххал усттарну, ку чумал къуру даххуну, ку чумал личи-личийсса пишалий иклайссар халкъуннавах хлала, миннан къл къахурчагу. Кунналгу тий бур, му къутбул гъавс савруннайсса я Иса идавсри, я Идрис идавсри, ягу лухчинийсса Хизрир, ягу Ильясри тий. Амма хлакьикъатрай, му къутбул гъавс Расулулагънал ﷺ рухри, Къияматсса Къини дизаннин. Турлийну загъир хъусса имамтурайгу иклайссар му къутбу, Абу-Бакар, Оьмар, Оьсман, Аьли кунма. Цалва заманнаву мигу хлакьсса акъабтал бивкиссар. Мукунма, киягу имамнайну, мукъагу автадталгу ца буссарив къл къахъанахъиссар халкъуннан. Имам Шафиэрир автадтурал ца ивкиссар. Арулагу абдалталгу лухчиния арулва экълийн бувну, ца-ца экълийм ца-цаннан бувну, цалва-цалва экълийм (район) миннайну бавцуссар.

Гьунчукъатлан

Оьрчру

Оьрчру инсаннал оьрмулувусса ххаривури, оьрму тяхъа байсса, рахат байсса ттеркъюкьиври. Оьрчал барачатрайну нитти-буттайну Аллагнал ﷺ барачат, рахиму-цими биян байссар, хъиншивурту чичайссар.

макъала: Мухаммад Хаджиев

Амма тай ялув кийц ларгсса ххуйшивурту дияншиврул жулва оьрчру багъайсса куццуй тарбия бан аьркинссар, гайнналгу цалбамий оьрчан лавхъин буллай бусурманнаву паракъатшиву ва барачат биканшиврул. Мукунсса оьрчалли инсаннал дуниялийсса оьрму чюлу байсса. Цанма ххираминнан дуаь дуллалисса чумал Идавсил ﷺ учайсса бивкиссар: «Зул кулпатраву оьрчру гъарза хъуннав!» - куну. Кулпатраву оьрчаха дан багъайсса къулагъас къадуллай, Исламрал ккаккан бувсса куццуй тарбия къабуллай, цанма ччимур буллай итабавкъуну бухурча, я дяхтта я хъхурай дигъаларгу дакъасса мундансса бакццуцаву, баларду ялун биян бюхъайссар. Мунияту гъарца бусурманчувнал Аллагнал ﷺ хъхъич хъуннасса жавабулшиву дуссар цалва оьрчахла. Къуръанналуву Аллагнал ﷺ увкуну бур (мяъна): «Зувагу зулва кулпатругу дуржагърал цараша буруччияра» - куну. Мухаммад Идавсил ﷺ хладисравугу увкуну бур: «Зу циняв зулва кулпатирттал хлухчалтлу, гайнахла жавабгу дулунтиссар», - куну. Жулла динналуву нитти-буттай ялув бивхуну буссар цалва оьрчал хъхъичисса цаппара буржу. Хъхъичра-хъхъич ххуйсса ца дизан аьркинссар: идавтурал, асхабтурал, валийтурал, аьлимтурал, ххуйсса инсантурал цардавацца. Душварал Идавсил ﷺ бувцуну бивкисса хъаннил, ганал душварал царду дирзун хъинссар, гайннал барачат ва шафааьт бияншиврул. Мюрщину бунува оьрчал дакурдиву Идавсичансса ﷺ ччаву гъарза даймур, динналул аслурду, чак баву, зума дугъаву лавхъин дан аьркинссар. Жулва буржри оьрчаву хъинсса хасият хъун дан хларачат баву. Идавсил ﷺ цалва асхабтурал оьрчру бястлий лечин буллай, гайннашчал турклу байсса бивкиссар. Оьрчайн харж дурмургу садакъану чичайссар, хъунмасса чир шайссар. Амма душварал ва оьрчал дянив личишиву дуллан къабучиссар. Душ хъунма бувманансса чириту хъинну хъунмассар. Ца чумал Муавиятлул ﷺ цувххуссар Ахнаф бин Къайслухъ: «Оьрчал хлакьираву ци бусан хъуссар?» - куну. «Я амируль-муъминин, гай жулва дакурдил ахъулссар, жува гайннал лувсса аьрширу, ялувсса ссавру. Гай хъун баншиврул жува захиматсса давурту бакрайн ласару. Мунияту, гайннал дула кумур дула, гайннан къаччан бикларча, паракъат ба, инавагу гайннан ххира хъунтиссара. Оьрчал ссурсуллухсса клусса къункъулану маиклара, акъахурча вил оьрму гайннан захимат хъуну, ина анаварну дуниялия лавгна тунтиссар, вияту арх буцантиссар» - куну.

Гьумучиял Райханат

1 « Райханат, Къуръандалул лугу канил бувгуну, кичираву дарцуну, гъарца талатаврив нанисса адимина дуаьлушчал тайла уклай диркун дур. Душмантал бивну, майданни талатаву дайдирихъукун, Райханат цияллайн лархъун, дуаьртту дуллан диркун дур, лакрал чиваркуннацун Аллагнал ﷺ кабакъиннав, тий. Дяъвилул майданвивсса арсурварангу чалай диркун дур цияллай дарцусса цала нину. Талатавриву бившусса, ливтлусса чиваркунналсса буллай бивкун бур къужри, хъами, ку шинмай кувсай бихълай, кугу шаппай биян буллай. Цаппара халлава ларсун бувкун бур Райханатлул ца арснал жаназа, дирхъуну дур ганил хаятраву, амма Райханат къадурчун дур цияллая, гайми арсурваран цала

уссу ивклушиву къл къахъун. Ларсун бувкун бур килчинма арснал жаназа, дирхъуну дур гамунил чарав хаятраву. Ялагу Райханат къадурчун дур цияллая. Ларсун бувкун бур шамулчинма арснал жаназа, Райханат къадурчун дур. Махлатгал хъусса члаххув хъаннил вев увкуну бур Райханатлуин: - Ина щих ялугълай дурра, пакъир, вила шамагу арснал жаназартту хъювун дуркунниха?! - куну. - Дяъвилул майданнив ттул арсру уттигу чъавуссар, гайннах дуаьлий дура! - куну бур Райханатлул. Ахтакун чумал ларсун бувкун бур Райханатлул хаятравун мукъилчинма арснал жаназагу. Му чумал Райханат дурчун цияллая, ларсун арсурварал турдугу, гайгу бакрал ялув къавтлуги дурну, дарчуну дур дяъвилул майданив: «Аллагъ, Ина

ттуцун кабаки, Аллагъ, Ина ттуцун кабаки!» - тий, леххаврий. Циникъ кунна цала ялун нанисса шарссанияту багълат хъусса душмантуравун хлуч багъну бур. Цишаву шайкун ришлай, щилай душмантал къат буллан диркун дур Райханат. Яла цинна клусса цаву дирукун, клура дарну шагърулул чулухуннайгу: «Ххирасса ссурвал, ва ттул канихъсса тур щав дагъан маритари!» - куну, леххаву куну бур. Цала ливтлусса, щавурду хъусса арамтурал ярагъругу бувгуну, хъавххун бур хъами дяъвилул майданив. Багълат хъусса душмантурал гацана ттилики дуллу-ну дур. Гания мукъах ганийн Шайх-Райханат тун бивкун бур.

Миясат Шурпаевал «Нуклу заманнул хаварду» тисса луттирава

Юсуф عليه السلام идавсил бусала

ГЪУМУЧИЯЛ ГЪАЗИ АЛЬ-ХИУСАЙНИНАЛ «МАТИАЛИОЪЛ-ЖУМГЪУР» ТИССА ЛУТТИРАВА

(дайдихъу хъьичИмий номердай)

Арулла къурагъсса шинайсса ккаши Канъаьннал аьрщарайнгу багъукун, Яькъублул عليه السلام цала арсру гъан бувну бур, Мисриллал паччахИначIату жунна бакIлахъру ласияра, куну. Яла мий хIадур хъанан бивкIун бур, цащалва маша байсса матахIру лавсун бур: ницI, зайтун, аьгъушиву, ссахIван, мий бакъасса цаймигу задругу. Мисрилив бивукун, паччахIнал къатлувун лавгун, Юсуф عليه السلام усса чIалъаьлувун бувххун бурча, ганан цалва уссурвал бувчIуну бур, гайннан Юсуф عليه السلام къаувчIуну ур, цанчирча, ганал цалла лажиннарал хъьичIух пардав дутайсса диркIун дур. Яла Юсуфлул عليه السلام гайннашал дилмажнайхчIин ихтилат бувну, зу цару, ча бувкIру, куну бур. Канъаьннай-туса Яькъублул عليه السلام арсру буру, куну бур гайннал. Зу цими уру? – цIувххуну бур Юсуфлул عليه السلام. АцIния кIия уссияв, ца бат хъуну, ци увсарив къакIулли, куну бур гайннал. Юсуфлул амру бувну бур гай хъамалу бувара, къатлувунмай буцара, куну. Мукун микку шанма гъантлий ливчIун бур, я гъан ихтияр дакъа, я маша бан къабюхълай. Ягъузал увкуну бур уссурвахъ: «Ва паччахIнал жува шикку бувгъну буру, шаппа жулва кулпатру ккашил къияну бунува, куну». Ми махъру бавсса къаралчиал бувсун бур Юсуфлул عليه السلام тай хъамал рязи бакъа шикаят буллай бур, куну. Юсуфул гай цачIанма бучIан бувну, увкуну бур: «Насиярача шаппай лавгун, зула буттайхсса уссу шиккун ттучIан увцуну бухъьхи, акъа-хъурча на зун цичIав къадулунна, ттучIан гъанвагу машари», - куну. Амма гайннан дулаймургу дуллуну, багълун ларсмургу махъуннай гайннал гивурдавух кIучI дурну дирхъуну дур. Зува уссу увцуну бучIаннин ттучIа ширишилун (за-логран) цания ца къаитара, куну бур. Уссурвалрал кIуну бувккун, Шамъоьндуйн багъну бур гикку-ва ацIан. Шаппай цала буттачIан бивукун, увкуну бур: «Жул ппу, жу Мисриллал паччахIначIан лавгру, хъинну ххуйну къамулгу бувунну, хIурмат бувунни, жун бакIлахъругу барг лаган дурну дуллунни», - куну. Шамъоьн ширишилун гиккува къаивтшивугу бувсун бур цала уссу увцуну бучIаннин. «Утти ина му жул уссу Буньямин жушал Мисрилив гъан ува», - куну бур. «На Юсуфлул عليه السلام хIакъираву зуйн вихшала дирхъусса кунна ванал хIакъиравугу вихшала дишивив?!» - куну бур Яькъублул عليه السلام. Яла гайннал цала матIахI-гивурду ппив дуркун, цала къалмух дуллусса къай махъуннай цала гивурдаву дирхъуну ляркъуну дурча, гайннал увкуну бур: «Ургу жул ппу, вайнна жулламигума махъуннай дуллуну, гъан ува жушал уссу», - куну. «Зу Аллагънай عليه السلام хъа къабувссаксса на ва зушал гъан къаанна», - куну бур Яькъублул عليه السلام. Яла гайннал хъа бувну бурча, Яькъублул عليه السلام увкуну бур: «Ва жува тIимуний

Аллагъ عليه السلام вакилди», - куну. Яла арсру ххуллийн багъувкун, Яькъублул عليه السلام насихIат бувну бур: «Мисрилив бивукун, шагърулувун ца хъулувух мабуххари, личиличIисса хъулурдавух буххи», - куну. Га ивкIун ур гайннай якъалачIун нигъа увсун, цанчирча гай куц бусса, бюхттулсса арампал бивкIун бур. Мисрилив бивукун, буттал тIийкун, шагърулувун бувххун, яла Юсуфлул عليه السلام лавгун бурча, Юсуф عليه السلام цала чIалъаьлуву тахлий щяивкIун ляркъуну ур. Гайннал увкуну бур: «Я паччахI, вари ина увцуну бухъьхи увкусса жул уссу», - куну. Юсуфлул عليه السلام: «Хъина, хъинну увцуссар», - куну бур. Яла Юсуфлул عليه السلام буюр бувну гай уссурвал цалва чIалъаьлува буккан бувара, куну бур. Цувалу ливчIукун Буньямин аьтIун ивкIун урча, Юсуфлул عليه السلام: «Нигъа маусара, на вил уссура», - куну, паракбат увну ур. Яла гай кIиягу хъамала багъну, аьтIун бивкIун бур. Юсуфлул عليه السلام увкуну бур: «На уссурвал шаппай гъан бувну, ина шиккува личIан ансса хIилла данна», - куну. Яла гай шаппай бачин хIадур хъанан бивкIукун, гайннан къамригу буллуну, Буньяминнул гивурдавун цала щин хIачIайсса каса бивхъуну бур. Яла авара гъаз бувну бур цал щин хIачIайсса каса бакъа хъунни, щил лавсун буриг ххал бувара, цурку ляркъияра, тIий. Юсуфлул عليه السلام къаралчитал луглан бивкIун бур, гъарцаннацIух цIухларду бихьлан бивкIун бур. Гай къаралчитурал увкуну бур Яькъуб عليه السلام идавсил арсваврахъ: «ПаччахIнал зуха хIурмат къабуннав, зу цурк циван барду» - куну. «Валлагъи, жу цуркинтгу бакъару, шиккун пасатшиву дангу къабувкIру», - куну бур гайннал. «Агар зу щялмахъ буслай бухъурча, ци танмихI бикIантIиссар» - цIувххуну бур къаралчитурал. «Каса лавсма ца шинай паччахIначIа ацIан антIиссар», - куну бур уссурвалрал. Га заманнай Яькъуб идавсил عليه السلام шариаьтрайн бувну мукун бан ихтияр диркIун дур. Туну зул гивурдацIух цIухла бишин аьркинссар, куну, бувцуну бур Юсуфлул عليه السلام. Цал хъуними уссурвалрал гивурдацIух цIухла бивхъун бур, яла Буньяминнулсаннух бивхъуну бурча, гива га каса буккан бувну бур. Буньямингу бакI хъьичIун дуртун, нач хъусса куна авцIуну ур. Яла Юсуфлул عليه السلام увкуну бур: «Утти зула шаппай насияра, ва уссугу зула буттал шариаьтрайн бувну шинайсса ттучIа къаитияра», - куну. «Мунал хъунав хъусса ппу уссар, мунал кIанттай жуваду цанияца уца», - тIий, миннат буллан бивкIун бур уссурвал. Шамъоьн тIиманал уссурвахъ куну бур: «Утти буттал аманатрайну зушала гъан увсса уссугу шикку къаивтун буттал итгав цукун бурганну. На ва уссу тархъан хъуннин Мисрилив ацIанна, зу насиярача, шикку хъумур буттахъ бусияра», - куну бур. Гай лавгун шаппай, хъумур бувсун бурча, Яькъуб عليه السلام хъиннува пашман хъуну, увкуну бур:

«Аллагънал عليه السلام ттухъьхун ххуйсса ссавур дулуннав, утти ттун бансса цамур бакъар», - куну. Ца чIумал Яькуб идавсичIан عليه السلام Жабраил малаик ливккун, увкуну бур: «Вихъ Аллагънал عليه السلام салам буслай ия, вил арс Юсуфугу عليه السلام сагъну ур, цувагу Мисриллал паччахI хъуну уссар. Винма ччарча, вила михIрабравату оьвча, вил чIу мурчал таначIан биян бантIиссар» - куну. Яла Яькъублул عليه السلام чагъар чивчуну бур Юсуфлул عليه السلام, Буньямин тархъан ува, тIисса. Му чагъар Мисрилив лавсун гъан бувну бур цалва арсру: «Аллагънай عليه السلام умуд бур ттулва циняв арсру сагъну-саламатну ттучIанма кIура баянсса» - куну. Чагъар Юсуфлул عليه السلام бивукун, ганийн ппайгу куну, аьтIунгу ивкIун, бувккуну бур. Цала оьрчIангу ккаккан бувну, ва зула хъунбуттал чагъарди, куну бур. Яла Юсуфлул عليه السلام увкуну бур уссурвахъ: «На зул уссил Буньяминнул ялтту увчIиссара, зул ттигу ци аьркиншиву дур?» - куну. «Жунгу жул агълу-кулпатиртангу захIматсса замана бувкIун бурча, ина хъинбалартгал заллу урача, ина жун къама була», - куну бур гайннал. Му чIумал Юсуфул عليه السلام цала лажиндарайсса пардав гъаз дурну дурча, гайннан Юсуф عليه السلام увчIуну ур. Яла Юсуфлул عليه السلام миннахъ цала буттая цIувххуну бурча, гайннал бувсун бур ганал яру аьтIаврил мурчIи хъуну, чурх илтIа-кIюла хъуну бушиву. Яла Юсуфлул миннахъхъун цалва хъухъа буллуну бур, му цупагу цува кIаландувусса чIумал Жабраил малаикнал Алжандавату лавсун увкIсса гъухъа бивкIун бур. «Ва гъухъа зула буттал лажиндарайн буттияра, ганан чани бучIантIиссарча, яла зува циняв кулпатирташал архIал шиккун бухъхияра», - куну бур. Яла Ягъузал увкуну бур: «Ва гъухъа лавсун на гъанна буттачIан, нава ганахъхъун оьттул бувцIусса гъухъа лавсун лавгун пашман увсса куна, ва буллуну ххари ан», - куну. Яла гай буттачIан бивукун, га гъухъа ганал лажиндаравун бувтун бурча, ппу жагъилгу хъуну, яруннин чанигу бувкIун бур, дакIниву ххаришивугу хъуну дур. Гайксса захIматшивуртту ккюрхIуну махъ рахIатшиву диркIун дур. Яла орчIал увкуну бур: «Я жул ппу, жу хатIалул хъуннуца, ина жул бунагьирттал аьпа баву чIа уца», - куну. Яькъублулгу عليه السلام гайннаха ххуйсса дваь дурну дур нюжмар хъхъуну кIюрххицIун чIумал, му чIумал дурсса дваь жаваб къадулуну зана къадитайсса дунутIий. Яла Яькъуб عليه السلام цала кулпат-оьрчIругу бувцуну Мисрилив авчуну ур. Ппу най ушиву кIул хъувкун, Юсуфугу عليه السلام, вазирталгу, ханталгу аьралуннашал хъунин бувккун бур. Миннал аьралгу мукътуршазараксса бивкIун бур. Буттачал хъуна авкъукун, гай кIиягу хъамала багъну, аьтIий аькьулулия лавгун бур. Аькьулулийн бувкIукун, Юсуфлул عليه السلام увкуну бур: «Я ттул ппу, ина ттуй аьтIий вила чурх цан бухлаган бав, вин къакIулссияв

жува дунияллий хъуна къаба-къирчагу, Къиямасса къини хъуна бакъинтIишиву». «Ттун кIулссияча ттул арс, амма на нигъа увсун ивкIра ина тIайласса диндалияту аьйкъуну, жува кунная ку архкъахъун», - куну. Яла Яькъуб عليه السلام Мисрилив увххун ур, мунашал архIал цалва оьрчIругу оьрчIал оьрчIругу, цинугу арулцIаллий кIива бакI бивкIун бур. Мунияр махъ миннал наслурду Муса идавсил عليه السلام заманнайн бияннин гъарза хъанай бивкIун бур. Мунияр махъ Яькъуб عليه السلام цала арсначIа Мисрилив къуния мукъра шинай аваданшиврий ливчIун ур. Яла ганачIан Аллагънал عليه السلام гъан увсса Жабраил-малаик увкIун, цалва ажал гъан хъуну бушиву бувсун бурча, Яькъублул عليه السلام му зад Юсуфлул عليه السلام кIул бан къаччай бивкIун бур. Мунияту, Байтул-мукъаддаслив (Иерусалим) цала буттахъал гъаттардий зиярат бан най ура, куну, авчуну ур. Цува ачиннин цалва авлад бавтIун, зу щиха лагъшиву данну, куну суал бувну бурча, гайнналгу жу Аллагънаха عليه السلام дакъа лагъшиву къаданну, куну бур. Яла Яькъуб عليه السلام ивкIуну махъ Юсуф عليه السلام къуния шанна шинай Мисрилив ливчIун ур. Мунал ажал гъан хъувкун, Малакул-мавт увкIун, цува ивчIан чIун хъуну душиву бувсун бур. Цува дунияллия чIал къавхъуну гъантIишиву мьяжан хъувкун, Юсуфлул عليه السلام цалва уссурвахъ увкуну бур: «На ивкIуну махъ Мисрилив мабацIари, ва фиръ-аьнтурал, дакI хъунисса агъалинал кIанурича» - куну. Юсуф عليه السلام ивкIукун, кIяласса мар-мар чарил хIавзраву ивхъуну, Алфавм тIисса кIанттай Нил неххал зуманив увчуну ур. Га увчусса чулухалу щюлли хъуну, вавур чулухалу къаркъун дур, яла халкъуннал му хIавз лавсун, Нилданул дянив бивхъуну бур муххал щинзарданий бавхъуну цIакъ бувну. Яла Нилданул кIивагу чулухалу щюлли хъуну бур. Юсуф عليه السلام дунияллия лавгсса чIумал ганан оьрмуллу ттуршлий къура шин диркIун дур. Ганал чурхгу Нилданул чIарав бувчуну шантуршра шинай ливчIиссар Муса عليه السلام идавсил заманнайн бияннин. Муса عليه السلام бану-исраилтуращал Мисрилия увккун нанисса чIумал, Аллагънал عليه السلام мунайн амру бувссар Юсуфлул عليه السلام чурхгу вищала архIал ласи, куну. Мусан عليه السلام къакIулну бивкIиссар ганал чурх бувчусса кIануча, мунияту Аллагънайн عليه السلام леххаву куссар «Я Рабби, щин кIулссар Юсуфлул عليه السلام чурх бусса кIану», - куну. Аллагънал عليه السلام малаик гъан увну, бувсъсар ца хъуннар хъусса къарин кIулшиву, цурдагу Яькъублул عليه السلام арнал Аширдул душ бушиву. Муса عليه السلام ганичIан лавгун, чурх бусса кIану кIул бувну, тIаннул табутраву бивхъуну бур. Му куцуй Юсуф عليه السلام идавсил чурх Байтул-мукъаддаслив лавсун, Ибрагъим عليه السلام идавсил чIарав бувчуссар. Мунияр махъ Мисриллал аьрщарая барачатту чан хъанан бивкIиссар: хъунияту, бакIлахърулияту, гъаттараяту.

Аллагьнал سُبْحَانَ اللَّهِ وَبِحَمْدِهِ барз

Раджаб барз хъанахъиссар Аллагь Таабаланал хъунмасса рахматну жунма гъан бувсса шанма мубараксса зурдардивасса цалчинмур. Жула Идавсил ﷺ увкуссар: «Раджаб Аллагьнал ﷻ барзри, Шяьбан – ттул барзри, Рамазан – ттул умматрал барзри. Вай зурдардий дурсса эбадтрахсса, хъинсса аьмаллахсса чири Аллагьнал ﷻ хъинну чйяву байссар, тавба дурманал бунагьру шюшайссар. Мунин бувну бусурманчувнаща шайссар Къиямасса Къини цинцилттал хъинмур чул кю бансса гъану бишин.

Мухаммад Идавсил ﷺ хіадисраву увкуну бур: «Зула ва дуньяллийсса хъинсса ахир хъуну ччарча ва шййтлйиннча бурувчуну биклан ччай бухьурча, вай зурдардиха хурмат бувара зума дургьуну ва бунагьирттая пашман хъанай».

Раджаб зуруй гьарца хъинсса аьмалу хъунма шайсса кунма, бувсса бунагьругу оь шайссар.

Раджаб зуруй зума дугьаву суннатсар. Щалва барз бугъан къабюхъайманал цалчинмур, ацния ххюйлчинмур ва махъра-махъмур кьини бугъансар.

Хіадисраву бувсун бур: «Кілуно бики, Раджаб – Аллагь Таабаланал барзри.

Ва зуруй ца кьини дунугу зума дургьусса бусурманчуная Аллагь ﷻ рязиуну иклантиссар». Цамур хіадисраву бур: «Раджаб зуруй цалчинмур хъхъу эбадат дуллай гъан дурманал къюк къадирчлантиссар, чурх бивчларчагу. Аллагьнал ганавун хъиншивуртту дугинтиссар, дахъа ниттил увсса куна цалва бунагьирттавагу уккантиссар. Мукунсса инсаннахъ арулцалазара инсаннаха шафаьт бансса ихтияргу дикантиссар».

Идавсил ﷺ хіадисраву бур: «Кілуно бикіяра, Ражаб – Аллагьнал барзри. Ражаб зуруй ца кьинирагу зума дургьусса инсанная Аллагь рязиуну иклантиссар».

Цамур хіадисраву тий бур: «Хюра хъхъу дуссар дуаь къамул къадурну къаритайсса: Ражаб зуруй цалчинмур хъхъу, Шяьбан зуруй дянивсса хъхъу, нюзмар кьинилул хъхъу, кирагу байрандалул хъхъурду (Ураза Байрам ва Кьурбан Байрам)». Хаснура ххирамийну хъанахъиссар Ражаб зуруй цалчинмур хъхъу ва кьини, 15 – чинмур хъхъу ва кьини, 27 – чинмур хъхъу ва кьини. Вай хъхъурду ва кьинирду хъинссар – хъхъурай эбадат дуллай, хъхъу чанна дуллай, кьинирду зума дугьалай тйайла дуккарча.

Хіадисраву тий бур: «Цуманал чанна дуврив Ражаб зуруй цалчинмур хъхъу, ганал къюк къадирчлантиссар, чурх бивкусса чумал; Аллагьнал ганал бакравухчин ганавун хъиншивуртту рутинтиссар. Ниттил увний куна, бунагьирттава уккантиссар. Арулцалазара Дуржагьравун багьантисса бунагьчитуран шафаьт бангу ихтияр дулунтиссар». Я Аллагь! Ина жухъхъун тавфикь була, вай Раджаб, Шяьбан, Рамазан барзру цил багьайкун тйайла буккан. Амин!



Ражаб зуруй ххирашиву

Ражаб барз хъинну ххирасса, хъунмасса даража бусса барзри. Рамазан зуруй хъирив муняр ххирасса барз бакъассар. Аьфву байсса, рахиму байсса, Аллагь ﷻ ялтту учайсса барзри. Мунил аввалданийгу, ахирданийгу, дянивгу Аллагь Таабла халкъуннах урувгун, цинявннал аьфву байссар, ширк бивхъуманалгу, ссихир байманалгу, силатул рахиму къувкъуманалгу, нитти-буттан аькъуба дулайманангу, гьибат-бугьтан байманалгу бакъасса. Минналсарив тавба дарча бакъа къабайссар. Ялагу мунил ххирашиву: Къаф зунттул махъ ца кяласса лухччи дуссар кяласса малаиктурал дурцусса. Гьарца малаикнахъу ца-ца ттутг буссар «Ляйлягьа илля ллагь Мухаммад Расуллагь» чивчусса. Раджаб зуруй гьарца хъхъуну мий малаиктал цачун хъуну Мухаммад Идавсил ﷺ умматиннал аьпа ба тий дуаьртту дуллан биклайссар. Муниву бувсса чанмур хъинсса аьмал Алагьначла ﷻ хъинну хъунмассар. Хатта ца ракааьт чаклил дарчагу азарда дурсаксса чири буссар. Ца шагь садакълун булурча, азарва булуссаксса чири буссар. Ца кьини зума дугьарча азарда кьини дур-

гьуссаксса чири буссар. Щалва барз бугьарчарив, машаАллагь мунал даража. Муний зума дугьалай ивксса админан гьаттал аьзаб дакъассар. Гьаттаву цувалу къайтайссар. Му Раджаб зуруй хурмат бурувчуну, му хъун бувма Къиямасса Къини Аллагьналгу ﷻ азарда караматраину хъун айссар. Му зуруй гьарца кьини баргь лагаврищал мукъцалва «Ля хлава ва ля къувата илля биллягьил аьлийил аьзим» учавугу хъинссар. Хъхъичмур ацвагу гьантлий гьарца кьини ттуршилва «Субханал хлайюл

къаюму» учирча, дянивсса ацвагу гьантлийгу микссава «Субханаллагьил ахладі ссамади» учирча, махъсса ацва гьайлийгу микссава «Субханаллагьил ррауфи» учирча, мунил чирилул хъуншиврул сипат дан къашайссар. Гьарца кьини ацния кйилва «Кьулгьу» буккавугу хъиннува хъинссар му зуруй. Му Ражаб зуруй хъхъичра-хъхъичсса хъхъуну садакьа бавугу, му уттара давугу хъинссар. Дуаьлухъхъун жаваб дулайсса хъхъур. Му хъхъуну ивкълманалгу даража хъунмассар. Му хъхъуну, мунил ацния ххюйлчинсса хъхъуну ва хъирирда-хъиривсса хъхъуну гьуслу бавугу хъинссар. Ниттил лякьлува увксса чумал куна бунагьрая марцл шайссар. Хіасил, му Ражаб зуруву чйярусса фазилартту, хъиншивуртту дуссар. Муниву хъинсса аьмал чйявусса бувну хъинссар. Хатта Алжаннаву ца нех дуссар Раджаб тйисса, накнияр кяласса, ницнияр нацусса, микнияр дяркьусса. Ражаб зуруй ца кьини дунугу зума дургьусса инсантал му неххая хлачан бантиссар. Муний зума дугъан къабюхъайналгу, гьарца кьини ца кйюла ччатл, я цамур зад садакълун дулаву хъинссар. Мугу къабюхъарча Аллагь ﷻ чйявуну кйицлагича.

Рагъаибрал хъхъу (Лайлату-р-рагъаиб)

Раджаб зуруй цалчинмур нюзмар хъхъу – Мухаммад Идавсил ﷺ нитти-буттал магьар бивхъусса хъхъу хъанахъиссар. Му хъхъунин Лайлату-р-рагъаиб учайссар. «Рагъаиб» тйисса мукъул мяъна – Аллагьнал ﷻ цимилин ва рахимулин хул бишаву, ва дуаь къамул даву тйиссар. Му хъхъуниву ва кьинилува чйярусса жунна къакълусса хикматшивурттугу дуссар. Мунияту гьарца бусурманчунан му хъхъу цацава бюхъайсса куццуй эбадат дуллай, бунагьирттая тавба дуллай, ливчйисса чакру хъирив лахъан буллай, садакьа буллай, миски-гьаривнан кумаг буллай, оьрчру-кулпат ххари буллай, гъан-маччаминнаха дуаьртту дуллай гъан дуруну хъинссар.

автор: Ризван Давудов

Рагъаибрал хъхъуну маркълан чаклил хъирив кйи-кйира ракааьт дуллай ацния кйира ракааьт суннатсса чаклил дайссар. Гьарца ракааьтраву «Альхамрал» хъирив шамийлва сура «Аль-Кьадр» («Инна анзальнагьу»), ацния кйива «аль-Ихлас» («Кьулгьу») буккайссар. Ацния кйира ракааьт дуркун, 70-лла ссалават дуккайссар:

«Аллагьумма салли аьла сайидина Мухаммадинин-набийиль уммийи ва аьла алигьи».

Яла сужда бувну, суждалува 70-лла ва дуаь дуккайссар: «Суббухун къуддус рабуль малаикати ва-р-рух». Яла суждалиа ивзун, никирттай шйивкун 70-лла учайссар: «Раббигьфир ва-р-хам ва тажаваз аьмма таьлам. Иннака анталь аьзул акрам». Яла кйилчингу сужда бувну, 70-лла цалчинмур суждалий дурккусса дуаь дуккайссар. Яла никирттай шйивкун дуаь дурну вила мюхтажшиву дусса зад Аллагь Таабланахъ чйа учайссар.

Ца чумал Мухаммад Идавс ﷺ цалва асхлбтурахъ Ражаб зуруй дурсса эбадатрал даражалиа буслай ивкйссар. Ца хъунав хъусса инсаннал микку увкуссар, щалва зуруй зума дугъан ттуща къабюхъансар, куну. Идавсил ﷺ ганахъ увкуссар: «Ина дугьи зума Ражаб зуруй цалчинмур, ацния ххюйлчинмур ва махъра махъмур кьини, вин щалва зуруй зума дургьуссаксса чири биклантиссар. Цалчинмур нюзмар хъхъугу хъама мадитара». Му хъхъу хъанахъиссар Лайлату-р-Рагъаиб. Му хъхъунил шанма бутул ца бутла лавгсса чумал гьарца ссаврунайсса, лухччинийсса циняв малаиктал цачун хъуну байтуллагьравун Аллагь Таабланахъ чйа учайссар Ражаб зуруй зума дургьуса халкъуннал аьпа ба, куну. Аллагьналгу миннал дуаь къамул дурну аьпа байссар. Гьашину рагъаиб хъанай дур май зуруй 25-нния 26-мунинсса хъхъу. Ва хъхъу эбадатрай гъан дансса тавфикь жухъхъунма Аллагьнал ﷻ булуннав, Аллагь ﷻ жуява рязи хъуншиврул.Амин!

Аль Исраъ валь-Мьраж

Раджаб зуруй 27-мур хъхъуну Мухаммад Идавс ﷺ Къабалучйа шанай ивкун ур. Ганан «Чантл уку, шанашима!» тйисса чйу бавну бур. Яру тйивтукун, Идавсин ﷻ исвагьйисса кяласса яннардавусса Джабраил ва Микаил малаиктал ккавккун бур. Гайннал чларав балчаннуха лавхъхъусса, тйинтту куннасса хъаругу дусса Буракь бавцуну бивкун бур.

автор: Кьурбан Абакаров

Мухаммад Идавс ﷺ Буракьрай шйивкун янил ляпл учиннин Мадианул аьрщарай хъуну бур. Микку Джабраил малаикнал Идавсхъ ﷻ чак бува куну бур, га цалва Хйжра бантйисса Мадианул аьрщи душивугу бувсун бур. Муния махъ гай Тпур-Синай тйисса, Муса ﷺ Аллагьнащал ﷻ гьалгьа тий ивкйсса зунттучйа бавцуну бур. Гиккугу Мухаммад Идавсил ﷺ чак бувну бур. Яла гай Байт Лахйм (Вифлием) тйисса шагьрулийн бувкун бур. Гиккугу Идавсил ﷺ чак бувну бур. Муния махъ гай Иерусалим-

райн бувкун, Байтуль-Мукьаддасраву Мухаммад Идавс ﷺ цинявппа идавстуращал хъуна авкъуну, гайннащал жамааьтрай чак бувну бур имамну авцуну. Мизитрава уккайхту, ганан ххал хъуну бур ссаврунная нурданул чанна лавхъсса чуртту ливккун, му чурттугь мугьлат бакъа янил ляпл учиннин лавхъун ур ссаврунайн (аль-Мьраж). Му аруллагу ссавнийн гъаз хъуну, яла цучлав ттинин гъаз къавхъусса лахъшивруйн гъаз хъуну ур. Аль-Исраъ валь-Мьраж хъанахъиссар Аллагь Тааблаланал так жула Идавсин ﷺ дуллусса ляличйиса хасшиву ва хурматшиву. Мьражрайсса чумал Идавсин ﷺ Ссавруннал Къяба, Алжан, Дуржагь, Аьрш, Курс ва цаймигу чйярусса, инсаннал аькълулх хъирив ляян къашайсса караматру ккаркксар. Гьарца ссавнийн ганан идавстал хъуна бакълай бивкйссар. Му хъхъуну Аллагь Таабаланал бусурманнай гьантлун ххюва чак ялув бувссар. Ссаврунная ливккукун, Мухаммад ﷺ буракьрай шйивкун, гацлана цува шанай ивкйсса кланай чантл увкуссар.

Чурххал шагъватру къабитаврил адабру

Инсаннал чурххаву кӀира тӀабиаьт дуссар. Ца нафсанийсса, ца равхӀанисса. Нафсаниймур- чурхри, равхӀанимур - рухӀри.

Чурххал цинма ччимур, Заннан къаччимур, оьмур, оьккимур, батӀулмур тӀалав дуллалиссар. РухӀирал - хьинмур, Заннан ччимур, Аллагьу Тааьланал ба кумур тӀалав дуллалиссар. РухӀраяр чурх ххув хьуну, мунин ччимур булларча, му инсан гьалак хьуссар. РухӀ ххув хьуну, мунин ччимур булларча, му мурадран ивссар.

Дуниаллий инсаннал душман шамат уссар: дуньялгу, шьайтӀангу, цалва чурхгу. Миннугу яла оьмур цалва чурхри. Му арулла бакӀ дусса шьайтӀаннуяр, арулцалва иблислуяр оьгу-оьссар, мунил оьмунин акъа хьинмунин кӀункӀу къаавай тӀий. Гьарца аьсившиврул аслу-гьану цалва чурхри, муниятур цимурца букӀлакӀисса. Гьарца чӀумал муних къаягъули, мунин ччимур къабуллай, мунишал хилипшиву дулла икӀан ялувссар. Абадлисса талихӀрайн ххуллу бакъассар, чурххал гьава-шагъватирттаяту урукъавчуссаксса. Инсаннал цалва чурхгу кӀул бувну, мунил оьшивугу кӀул хьуну, мунишал хилипшиву къадурсаксса, Аллагьу кӀул къашайссар, Мунайн мютӀийгу къашайссар.

Инсаннал чурххал масала – хьхьури къалархсса, махь къавхьусса хӀайваннул масалар. Му хӀайван хьхьури къаларххун, махь къабувну, винма ччимур чулухунмай буцин къашайсса кунма, чурхгу хьинмуний бацӀан бан захӀматссар, кӀура баян къабувссаксса. Ялагу мунил масала – махь бан бувгъусса къарчигъайлул масалар. Бугъаннин цинма ччикун лухчӀи ссавнил дянивух гьава булла и гьалмахтурал занай бивкӀисса, бувгъукун ца цӀансса къатлувун бавкьуну битайсса, цилва хьхьичӀавасса гьавардугу гьалмахталгу хьама битаннин. Яла чан-къанну аьдат булла и ябувну, хьхьичӀавасса ишругу хьама бивтун, махь хьуну залуннайн мюти хьуну, мунал буюр бувмур буллалисса. Муку кунма, инсаннал чурхгу цила залуннай мютӀий къашайссар хьхьичӀава аьдат хьусса неъматирттаяту кӀура баин бувну, минния арх къавхьуссаксса. Аввалданий му чурххай тарбия дангу хьинну захӀматссар, ккукулия личӀан увсса оьрчӀи куна. Чурхгу, цал ми цилва булла и бивкӀисса нахӀусса задирттая личӀан бувкун, ми къабивтун махь ялагу мугу кӀура къабаяйссар. Мунин ччисса задирттаяту кӀура баин бувну гьарца базурдащӀал шалва чурх цӀансса шпалав бавкьусса хӀайван кунма бацӀан бан аьркинссар, чурх инсантураву бухьурчагу дакӀи халватраву дургьуну. Инсаннал чурххал гьавас-шагъват сукку хьуну аьсившивуртгавун, бунагьиртгавун, шагъватиртгавун бухлан бавчукун, аьркинссар дукра чан даврин турду шану чан баврил куйрдавату дурккун, калам чан баврил каруннал цалла чурххайх риршуну, му занна битан, гьалакшивуртгавун, балардавун, аьсившивуртгавун къабагъан, миннияту ххассал бан. ЦӀакъсса ссиржинданий бивкӀуну эбадатрайн кӀункӀу бан. Муку занна къабивтун итабакъирча, му дуржагъравунни ххяххантӀисса. Ита къабавкьуну эбадатрай бацӀан барчарив, му яла майданнавух тӀуркӀу тӀисса айгъур кунма, багъирдавух сайр буллалисса паччахӀи куна, хьиншиврул майданнавух, тӀаьтирттал ххулдурдавух тӀуркӀу тӀий занантӀиссар.

«ГьунчӀукъатӀан»

Къашайманал адабру

Инсаннал чурххайн цӀуцӀаву щувкун, му цайминнахь бувсун загьир дангу бучӀиссар, къабувсун кӀучӀи дан бухьайсса духьурча, кӀучӀи дангу бучӀиссар. Амма, бухьайссаксса кӀучӀи даву хьинссар, загьир дулла и, къашавай ура тӀий, бусласавунияр. Му кӀучӀи даву хьанахьиссар балардай Аллагьнал кӀи хӀукмулий савур даву. Лавайсса даражалул залухьруннал тӀабиаьтри му. Амма загьир дангу бучӀиссар Аллагьнал кӀи чулухуннай дакӀи марцӀну духьурча, му загьир давриву цанма хайргу бухьурча, му цӀуцӀаврин дару байсса духтурнахь бувсун, мунал дарурайну цува хьин хьуншиврул. Ягу цамма насихӀат бусайсса, хьинсса адаминахь бувсун, мунал насихӀатрайну цалла сабур даву, шукру баву гьарза хьунтӀий бухьурча. Ягу цува заэвшиву, Аллагьнайн кӀи мюхтажшиву, Аллагьнал аьфву, рахӀму чӀа тӀий загьир дулла и ухьурча, загьир даву хьинссар. Муку бакъа, бачӀва, цӀуцӀаву къаччисса цӀуру-кӀуру булла и, савур къадулла и, халкьуннахь буслай, загьир дулла и ухьурча, му Аллагьнаяту шикаят буллалавур, му хӀарамссар. ХӀатта, хьхьичӀавасса хьинсса, хьунисса, салихӀисса арамагал къашай хьувкун, цачӀана цуцӀав уруган учӀаву къаччива тӀар. Нарча нуз лакъайва тӀар, цакуну миннахь шикаят бан къабуккан, калам гьарза къахьун.

ХӀасил, къашайшивруву ссавур дан бухьайсса инсаннал хьунмасса даража буссар. Мунал буллалисса цӀуру-кӀуру Заннахасса кӀи тасбихӀри, бигълагьисса ссихӀи садакъари, шанашаву эбадатри. Чулия чул баву гьававатри. ХӀатта, къашайссаксса мунай бунагъ къачичайссар, хьхьичӀва хьуминнулгу аьфву байссар. Масала, ца къини къашай хьурча шинай хьусса бунагьиртал аьфву байссар, шинай чурххай хьусса къувватту гьан байссар. Инсаннал чурххай шантуршлий ряхцӀалва базу буссар. Шинайгу шантуршлий ряхцӀалва гьантта буссар. Мий базурдая ца базу цӀурча гьарца базуллу цӀуцӀаву ласайссар, ца-ца базуллу ца-ца къинисса бунагьругу ласайссар. Му къашавайсса инсаннал цалла цӀуцӀаврин дару бангу бучӀиссар, къабувна таваккалданий Аллагьнахун кӀи бувтун икӀангу бучӀиссар. Му дару къабувна икӀавугу му къашайманан дарурайну цанма хайр къахьуншиву кӀуну ухьурчар, кашфу-карамат дусса уну, цува ивчӀан нанишиву кӀул хьуну, ягу му цӀуцӀаву хьул къувкьусса, дарурайну хьин къашайсса дуну, ягу къашайманан му къашайшиврул цӀуцӀаву хьама риртун ухьурча Аллагьнайтусса кӀи, ахиратлуятусса, бунагьирттаятусса нигъа усаву хьхьичӀун дурккун. Ягу му цӀуцӀаврил хьирив къалайвай, ци дару хьунсарив къакулуну ухьурчагу Аллагьнайн таваккал бан бучӀиссар. Ягу му къашайманан хьиншавривунияр къашайшивруву маслихӀатшиву диркӀун, хьин хьурча бунагъравун агьалагьисса ухьурча. Ягу мунай чӀявуса бунагьру бивкӀун, яла гьан дан къашайсса, лахьисса хӀаллайсса къашайшиврий ссавур дурну, миннул аьфву баншив-

рул. Мукунсса сававу духьурча, дару къабаву хьинссар. Му къашавайссаксса хӀаллай Аллагьнал кӀи хьамаличу куна икӀайссар. Ялагу, къашайманан дару баву ялувсугу буссар, суннатсугу буссар, хӀалалсугу буссар. Ялувмурди мякьсса инсаннал щин хӀачӀан ялув шаву, мякьлил азар яла гьан дан. Ккашилманал ччатӀи букан ялув шаву, ккашил азар яла гьан дан. Янна лаххан ялув шаву, аькьил къаивчӀан. Муку, миннийну азар хӀасул хьанахьисса чӀумал, къахӀачӀарча, къабукарча, къалаххарча ивчӀавай уну, мий бан ялувссар. Мукунма, цамур дару хьуншиврий дакӀи дарцусса цӀуцӀаву духьурча, къабарча ивчӀан най уну, дару бан ялувссар, щаву дахӀин,

дарвач буллуну, сапарданий уккан хӀадурсса адимина куна, гьаттавун ачин хӀадурну икӀан аьркинссар, хавар бакъа бивкӀу ялун бивну, маз бувхӀуну, мий букъавна къаличӀан. Муку мий задру бувну, хӀакьсса тавбагу дурну марцӀи хьурча, Аллагьнал кӀи цӀимилийн му цӀуцӀавугу куклу хьуну, хьин шайссар. Къабарча къашайна лахьигу лагайссар. Къашай акъамагума миннуятгу гьафулну къаикӀанссар. Амма къашайманал цайва Аллагьнал кӀи рахӀму-цӀими банхьуви, аьфву банхьуви, ялту учӀанхьуви, аьзав-аькьуба къадулунхьуви тӀисса умуд-хьул хьхьичӀун буккан баву хьинссар цуксса оьсса унуту, нава оьсса, аьсивсса уяв, ттулва аьфву



мунин дару бичин ялувсса кунма. Мукунсса иширттаву дару къабувну ивчӀарча, цалва чурх цалва гьалак бавур, бунагъсса хӀарамсса ишри. Суннатсса дару баву тӀурча дару хьуншиврий дакӀи къадацӀарчагу, хьуншиврий умуд бусса, булла и машгурсса дару бавури. ХӀалалсса дару баву тӀурча, масала, луттирая сабаб даву кунна, хьурчагу, къахьурчагу, Заннайн кӀи таваккул бувтун байсса дару-дарман кунма. ХӀасил, къашайманан дару бавугу, къабувна итавугу цала хӀалданух, нийтрах, савурданух, цӀуцӀаврих, инсаннах бурувгунни бивкӀайсса. Баву хьинсса кӀанугу бивкӀайссар, къабаву хьинсса кӀанугу бивкӀайссар. Дару бакъасса цӀуцӀавугу дакъассар ажал бивну дуниал къадитаву дакъасса. Къашавайсса инсаннал ссавур даву, шукру баву, Аллагь кӀи чӀявуну кӀицӀ лагаву, Заннайн леххаву чаву, цӀими, аьфву чӀа чаву, бивкӀу дакӀин багъаву чӀяруну даву хьинссар. Ахир цукун хьувивав тӀий Аллагь кӀи дакӀний увгъуна, шагъадат дуглайна, Малакул-мавтнах рухӀи ласайсса малаикнах къаралланий, цалва бувцири бунагьругу дакӀинну, миннияту пашманну тавба дуллайна, нигъал ва хьуллил дянив икӀаву хьинссар. Къашайшиву бивкӀуллу илчири куну бур. Муният хьинну къашавай хьума бивкӀуллу хӀадуршин даврияту, гьаттавунмай ссайгъат хӀадур баврияту гьафулну къаикӀанссар, гьарманаяту хӀалалшиву ларсун, цалва бувсса зулмугу, цайвасса хӀакьру тӀайла бацӀан бувну, цалва васийят, аманат хӀадур бувну, Заннахьхьун кӀи

къабанссар, аьзав дулунссар тӀисса нигънияр. Аллагь кӀи сситтуяр цӀими хьхьичӀун бувкмари, хаснува къашайсса хӀалатраву хьиннува хьхьичӀун буккайссар. Укун къашавай, заэвну, хьунав хьуну, оьну, оьккину, къуману личӀаяр ивкӀуния тӀий бивкӀулийн хьулгу къабишинссар, тивугу цукунсса кӀану лякьивив къакулссар. Хаснува хьинсса аьмаллу буллалисса хьинсса инсан ухьурча ялунгу оьрму лахьиссаксса хьиншивуртту, чирирду чӀяву хьунтӀиссар. Мий чӀярусаксса Алжаннул неъматругу зиядассар. Инсаннал алши бушивур Аллагьнайн кӀи мютӀийшиврувусса оьрму лахьививу. Къумасса хӀал бухьурчарив: «Я Рабий, на ивчӀавриву хьинбала, маслихӀат бухьурча ивчӀан ува, Аллагь. Уттавашивруву хьинбала бухьурча уттавану ити, Аллагь» – учинссар. Хьиннува дин дан къашайсса, оьсса, пасатсса замана бухьурча, му чӀумал имандалийсса бивкӀу була чинссар. Инсаннал ажал кӀива куцӀуйсса буссар: ца лявхьуну махь ивчӀаннинсса, цагу ивкӀуну махь изан аннинсса. Инсан салихӀисса, рахӀму бусса ухьурча, ивкӀуну махьсса ажалданийту лавсун ивчӀаннинмур оьрму гьарза байссар. Оьсса, аьсивсса, рахӀму-цӀими бакъасса ухьурча хьхьичӀмуния лавсун махьмур зияда байссар. ХӀатта, хьинсса инсаннал оьрму азалануву шанма гьантта чивчуну бухьурча, зувира шин зияда дайссар. РахӀму бакъаналсса зувира шин духьурча шанма гьантлийн бутайссар.

«НасихӀатуйль-аьвам»

Шялмахъ бусан та бучИссар?

Шялмахъ бусаврил буссар личИи-личИисса даражартту. Укунма, цичIав савав дакъанура шялмахъ бусаву хIарамссар. Буссар шялмахъ бусан хIалалсса кIанттугу, масала, вила хъус зулмукарная хассал даншиврул. Чара бакъа шялмахъ бусан аьркинссар бусурманчувнал жан ххассал дан багълай бухъурча. Ххавхми бакъил баншиврулгу шялмахъ бусан бучИссар.

БучИссарив краб букан?

Щинавугу, къирийгу яхъун шайсса хIайван букан хIарамссар, муни буну крабругу букан къабучИссар.

Чакливу АльхIамрал хъирив «амин» учайхтту «раббаль-аьламин» тIисса махъру учин аьркинсарив?

Имам Шафиънал мазгъабрайн буну, чакливу «амин» учайхтту «раббаль-аьламин» увкуну хъинссар (истихIсан). Муни чивчуну буссар Имам Шафиънал «Аль-Умму» тIисса луттраву ва Имам Нававинал «Ар-Равза» тIисса луттираву.

Ца-цавай бусурманнал дарвачрахун бувтун бикIай хIайчали (сабаб). БучИссарив му бутлан?

Циняв аьлимтурал тIимунин буну, сабаб лаххан бучИссар шанна шартI биттур дарча. Имам ХIафиз Аскъаланил увкусса куццуй:

- Сабабраву Къуръанналул аятру, Аллагънал ﷻ цIарду ягу дуаьртту дикIан аьркинссар.
 - Аятру чара бакъа аьраб мазрай чирчуну дикIан аьркинссар, дуаь цамур мазрайгу чичин бучИссар.
 - Сабабрал цилва кумаг къабайшиву кIулну бикIан аьркинссар, так Аллагънал ﷻ къув-ватрайну бакъа.
- Бусурманчувнал кIулну бикIан аьркинссар кумаг баймагу, гъарзадрал ялув къудрат думагу Аллагъ ﷻ ушиву, хIайчали так мунисса савав душиву, мунияттури ганин аьраб мазрайсса «сабаб» тIисса цIа дирзсса.

БакIравун оьккисса пикрирду бухларча, мигу бунагъ кунма чичайссарив?


Инсаннал цалва пикрирду аьмаллайн кIура баян къабувссаксса, ми бунагъ кунма къачичайс-сар, амма оьккисса пикрирду бакIрава буккан буллан хIарачат бан аьркинссар, цанчирча миннул иман хъара дайссар куну бур.

Ххуй дакъасса хасият дакъин даншиврул цуми сурарду буккин аьркинссар?

Аллагънал ﷻ увкуну бур: «Къуръанналуву зун дару буссар», - куну. Муниятту, муьминтуран чIявуну Къуръан ккалай хъинссар, щалва буккин къахъурча, кIулсса сурарду букланссар.

ЦИУССА ЛУ

Ххирасса уссурвал ва ссурвал! Лакку мазрай динналул литература итабакъайсса типографиялий уттигъанну буккан бунни лакку мазрайсса «Манакъибу МухIаммадия» тIисса мавлудрал луттирал цIусса издание. Оптом ласун ччиминаща цIухху-бусу бан хъунтIиссар ва номерданийхIин: 8-989-670-51-15.



БАЯН

Элму – му Исламрал рухI ва динналул ттарцIри.

МахIачкъалаливсса вокзалданул чIаравсса Сайфуллагъ-Къадинал цIанийсса мизитрал мадрасалуву сакин буллай буссар Динналул гъанурду, чак баву, Къуръан буккаву лахъхъин ччисса хъаннил ва душварал группа. Ххирасса ссурвал ва нинухълу! Анавар буккияра къимат бищун къашайсса элму – чак баву ва Къуръан буккаву лахъхъин.

Дасру дикIантIиссар ва адресрай

МахIачкъала, ул. Буйнакского 38-а, тел. 8-928-507-53-22.

Зулла дакIру динналул нурданул чанна лахъан дуvara!

Лахъхъияра лакку маз!

МахIачкъалаливсса Сайфуллагъ-Къадинал цIанийсса мизитрал мадрасалу-ву тIитIлай буссар лакку маз лахъхъин байсса курсру. Курсирдайн къамул буллалиссар оьрчIру ва арамтал оьрмулул личИшиву къадурну. Адрес: МахIачкъала, ул. Буйнакского 38-а, тел.: 8-988-443-23-12.

Рузнама

Май

Къини	КIюрххил чак	Баргъ буккаву	Ахттайн чак	Ахттакъун чак	МаркIачIан чак	ХъатIан чак
1	3:47	5:40	12:46	16:39	19:52	21:31
2	3:45	5:39	12:46	16:40	19:53	21:32
4	3:43	5:36	12:46	16:41	19:55	21:35
6	3:40	5:34	12:46	16:41	19:57	21:38
8	3:35	5:30	12:45	16:41	19:58	21:41
10	3:31	5:27	12:45	16:42	20:01	21:44
12	3:27	5:27	12:45	16:42	20:04	21:47
14	3:24	5:25	12:45	16:43	20:06	21:50
16	3:20	5:23	12:45	16:43	20:08	21:53
18	3:16	5:21	12:45	16:44	20:10	21:57
20	3:12	5:19	12:45	16:45	20:12	22:00
22	3:10	5:17	12:46	16:45	20:15	22:05
24	3:08	5:16	12:46	16:47	20:16	22:08
26	3:05	5:14	12:46	16:47	20:18	22:11
28	3:01	5:12	12:46	16:47	20:20	22:13
30	2:59	5:11	12:46	16:48	20:21	22:16

ХIаж-2012

ХIурмат бусса лакрал жамят! Сакин буллай буссар гъашину Дагъусттанная цала кашилий хIажлив гъан гъира бусса лакрал группа. ЦIухху-бусу бан хъунтIиссар вай номердайхIин: 8-989-652-07-86, 8-903-480-12-55

ДУАЪ

МИЗИТРАВУН УХХАЙНИ ДУККАЙССА ДУАЪ

Аоьзу биЛлагъиль-аьзийми ва биваджгъигъиль-карийми ва султIанигъиль-къадиийми мина-ш-шайтIани-р-ражим. Бисмиллагъи-р-рахIмани-р-рахIийм. Аллагъумма салли аьла МухIаммадин ва аьла алигъи ва саллим. Аллагъуммагъфирли зунуби вафтахI ли абваба рахIматика ва абваба фазлика ва абваба ихIсаника ва абваба жудика ва абваба жаннатика бирахIматика я архIама-р-рахIимийн.

МИЗИТРАВА УККАЙНИ ДУККАЙССА ДУАЪ

Бисмиллагъ. Ва ссалату ва ссаламу аьла расулилагъ. Аллагъумма инний аьсалука мин фазликаль васиъ. Аллагъуммагъсимний мина шшайтIани рраджийм. Аллагъуммагъфирлий зунубий вафтахI лий абваба фазлика.

ХIурмат бусса уссурвал ва ссурвал! Зунма цIуххин ччисса, ИсламрацIун, ШариаьтрацIун, кулпатрал багъу-бизулуцIун бавхIусса ва цаймигу суаллу гъан бан бюхъайссар SMS – райхIин ва номерданийн: 8-928-580-37-89, ягу 51-85-22 номерданийн оьвкуну цIуххин. e-mail: assamlak@mail.ru